

समां - 12:25 hrs.

<><><><><><>

PM-MKB

प्रधानमंत्री नरेंद्र मोदी होंरें अज्ज 'मन की बात' कार्यक्रमै दी 127मीं किशत च देशवासिं कन्नै अपने विचार सांझो करदे होई 'छठ पव' दी ममारखां दिंदे होई आखेआ कि छठ दा वर्त रखने आहलियां महिलां जिस समर्पण भाव कन्नै एहदे लेई तैयारियां करदियां न, ओह अपने आपै च इक प्रेरणा दा स्रोत ऐ ते कन्नै संस्कृति, प्रकृति ते समाज च गैहरी एकता दी मसाल ऐ। मोदी होंरें आपरेशन सिंदूर दा जिक्र करदे होई आखेआ जे इन्नै इर भारती दे गौ ते सम्मान गी केई गुणा बधाई दिता ऐ। उनें आखेआ जे इस देआली गी देसै दे उनें इलाकें च बी खुशी दे दीए बले च, जित्थे कदें माओवादी आतंक दा न्हेरा छाए दा रौहंदा हा। जीएसटी बचत उत्सव दा जिक्र करदे होई मोदी होंरें आखेआ जे एहदी वजह कन्नै धेयारें हर भारतवासी अंदर राहत, खुशी ते उत्साह दिखने गी लब्बा जेहड़े कीमतें च कमी दे चलदे मती खरीदारी करदे नजरी आए। मोदी होंरें सरदार पटेल हुंदी 150मीं जयंती दा बी जिक्र कीता ते आखेआ जे ओह आधुनिक समें दे महान दिग्गज नेताएं चा इक हे जिनें गांधी जी कोला प्रेरित होइयै अपने आपै गी पूरी चाल्ली स्वतंत्रता आंदोलन दे नमित करी दिता हा। उनें उंदी जयंती दे मौके पर 31 अक्टूबर गी होने आहली रन फॉर युनिटी च शामिल होने लेई लोकें दा आह्वान कीता। प्रधानमंत्री नरेंद्र मोदी होंरें भारत दे राश्ट्री गीत वंदे मातरम बारै दस्सेआ जे औंदी 17 नवंबर गी एह गीत अपने 150में बरें च दाखल होई

जाहग। उनें दस्सेआ जे डेढ सौ बरे पैहले इस गीत गी कंपोज कीता गेआ हा ते 1896 च गुरुदेव रविंद्र नाथ टैगोर होरे इसी पैहली बारी गाया हा। उनें लोके अगगे अपील कीती जे इस गीत गी होर मता प्रचलित, मशहूर ते गौरवपूर्ण बनाने लेई सुझास .. पर भेजन। उनें भगवान विरसा मुंडा होरे गी बी श्रद्धंजलि भेंट जिनें जनजाती लोके दी भलाई बेहतरी ते देश दी अजादी लेई अपना सब किश कुर्बान करी दिता। भगवान बिरसा मुंडा हुंदी जनम जयंती 15 नवंबर गी जनजातीय गौरव दिवस दे रूपे च मनाया जंदा ऐ।



Accession Day

अज्ज 26 अक्टूबर दे ध्याड़े गी जम्मू-कश्मीर दे विलय दिवस दे रूप च मनाया जा'रदा ऐ। अज्जै दे ध्याड़े सन् 1947 च जम्मू-कश्मीर दे महाराजा हरी सिंह होरे विलय पत्र पर दस्तखत करिये समूलचे जम्मू-कश्मीर गी भारत दा अननुट्ट हिस्सा बनाई दिता हा। महाराजा हरी सिंह हुंदा एह ऐतिहासिक फैसला बड़े महत्वपूर्ण मौका पर आया हा कीजे उस बेल्ले पाकिस्तानी घसपैठिएं जम्मू-कश्मीर पर हमला करी दिते दा हा ते पाकिस्तान जबरन इसी अपने कन्नै रलाना चांहदा हा। पर विलय पत्र पर दस्खत दे मगरा भारती फौजां इत्थे पुज्जियां ते उ'नें पाकिस्तानी घुसपैठिएं गी इत्थुआं खदेड़ी दिता। अज्जै दे इस ऐतिहासिक ध्याड़े गी समूलचे जम्मू-कश्मीर च बड़े गर्व कन्नै मनाया जा'रदा ऐ। अज्जै दे ध्याड़े केई समारोह बी आयोजित कीते जा करदे न।



Route Marches Nagrota

जिला पुलस जम्मू आसेआ नगरा विधानसभा दे उप-चुनां दे मददेनजर ग्रामीण जोन च मार्च ते कर्मिं दी तैनाती आहली कारवाई सम्पन्न कीती। एह कारवाई झज्जर कोटली ते नगरा इलाके च होई। एहदा मकसद कारवाई सरबन्धी तैयारिं, बलें बशकार तालमेल ते चुनां गी रमानदारी आहले ढंगे सिर करोआना ऐ। एहदा मकसद लोकें च विश्वास बहाली ते चुनां प्रक्रिया दरान कनून बवस्था बनाई रखना बी ऐ हा। हल्के च चुनां रमानदारी आहले ढंगे सिर करोआने लेई पुलस अधिकारिं बलें गी सौहगा सतर्क रौहने, आपूँचै तालमेल बनाइयै कम्म करने ते सरबन्धी नियम-कायदे दी पालना करने पर जोर पाया।



Mankote Special Recognition

पुंछ जिले दे आकांक्षी ब्लॉक मनकोट नै नीति आयोग आसेआ वाराणसी च आयोजित उत्तर भारत दे रीजनल बेस्ट प्रैक्टिसिज़, सेमीनार च विशेष पंछान दर्ज कराई ऐ। जिले दी नुमायंदगी करदे होई उत्थूं दे अतिरिक्त जिला विकास कमिशनर पंकज मंगोत्रा ते बी.डी.ओ एजाज अहमद होरें खुराक दे स्हेई इस्तेमाल बारै इक केस दी पेशकारी कीती जेहदा विशे हा “खुराक ते समुदाय दी तंदरुस्ती लेई इक जन आंदोलन”। जिला विकास कमिशनर अशोक कुमार शर्मा हुंदे मार्गदर्शन तैहत इस पैहल नै दूर-दरेडे ते बन्ने कन्नै लगदे इस ब्लॉक च खुराक ते सेहत च बड्डे पैमाने पर बेहतरी आहनने च कामयाबी हासल कीती ऐ।



Kishtwar Dhan Dhanya

किश्तवाड़ दे डिप्टी कमिशनर पंकज कुमार शर्मा होरें प्रधानमंत्री धन धान्य कृषि विकास योजना तैहत तैयारिएं दा जायजा लैने ते 6एं बरें दी कार्य योजना तैयार करने आस्तै राई-बाई ते सरबंधत मैहकमें कन्नै इक बैठक लाई। उन्नै जलवायु मताबक फसलें, कुशल सिंचाई, पशुधन, मच्छी पालन ते सहकारिता समितिएं ते स्वयं सहायता समूहें दे राएं मुल्ल बधाने पर जोर दिंदे होई टिकाऊ राई-बाई विकास हासल करने लेई बेहतर तालमेल ते नतीजें पर केंद्रित जत्नें दे महत्व पर जोर दिता। स्हाढ़े संवाददाता मुजब, मैहकमें गी निर्देश दिते गे न जे ओह पैहली नवंबर 2025 तगर तफसीली योजना जमा करोआन।

<><><><><><>